

اداره مرکزی :
 آنقره ده ، استانبول جاده سنده آنقره
 معاوضه امینلری باشده کی دائره
 استانبول بورسی :
 استانبولده ، باب عالی جاده سنده ۸۷ نومبرده
 دائره مخصوصه

حیات

حیات دایما حیات... زیاده راهها هر حیات قاتلم...
 - یخه -

نسخه سی هر برده ۱۰ غرضه
 سنه لکی بوسته ایله ۵ لیرا
 (اجنی مملکتلر ایچین ۵ دولار)
 ایوه و اعلان ایشلری ایچین استانبول بورس
 مراجعت ایدیلیر
 یازی ایشلرینک مرجعی آنقره مرکزیدر

۲ نجی جلد

آنقره ۹، حزیران، ۱۹۲۷

صافی: ۲۸

- قربان بایرامی -

حیات ، محترم قارئینلر ۱۹۲۷ سنه نیک قربانه بایرامی تبریک ایلر و بونوره ارقربو میلیدر برابر مملکت و کنهک ایچین
 سعادت و موفقیتلر نمنی ایلر

آنقره ده صوک هفته

آنقره - قیصری خطنک آجیلماسی - ماقس بونا فوسک قونفرانسری - رسم سرکسی

آنقره ده صوک هافتا فکر و حرکت اعتباریله
 چوق جانلی کجدی . بو هافتا ایچنده قیصری یه
 کیده ن ایلک تیره نی افتخارله ، قدرتی اثرلر یاراتان
 برملت فردینک دو یاجنی هیجانله تشییع ایتدک ،
 دیگر برکون قیصا بر زمانده بالخاصه ته کنیک
 اعتباریله چوق سریع تکامل کوسته رهن تورک
 رساملرک سرکسی آچیلدی ، یه بو هافتا ایچنده
 تورک اوجاغنده موسیو ماقس بونا فوسک چوق
 قیمتلی ایکی قونفرانسی دیکلدک .

..

آنقره - قیصری خطنک اکالی بسیط بر
 اعمار و قعه سندن عبارت اولمقدن زیاده قوتی استقلال
 حربندن و انقلابدن آلان بر مفکوره نیک مادی
 مشکلاته ناصیل غلبه ایده جکنی کوسته رن امثالسر
 بر اثر اولماسنده در . آنادولوی تیره نلرله قوشاتمق
 اشتیاقی چوقدنبری دوغمشدی . فقط بونی
 یابایلمک ایچون لازم کلن وساطتی یاراتمق ده
 لازمدی . ایشته بویله یارایجی بر قوت هنوز اکسیددی .
 بو قدرتی کنسیدمزد کوره مدیکمز ایچون
 سنه لرجه تورکیه خارچندن سرمایه و وساطت

کله سنی بکله دک ، اگر صوک انقلاب
 اولماسهیدی ، اگر تورک جمعیتی فلاکتلرک
 صارصینتیسنه اوغرایارق یکی بر انقلاب یاراتما .
 سهیدی ... مملکتی دمیر یوللریله قوشاتمق اشتیاقنه
 رغماً المز قولمزاغلی دوراجق ، خارچدن امداد
 بکله یه جکدک . حالبوکه استقلال حربی اراده نیک
 قوتی بزه اوکره تدی ، انسانی یاشاییشک طبیعت
 اوزرنده ظفر تأمین دیمک اولاجغنی کوستردی .
 استقلال مجادله سنک و انقلابک وجوده کتیردیکی
 بومعنوتی عصمت پاشا حضرتلری الک وجیز بر
 صورته افاده ایتدیلر : « وطنمزی اعمار ایتمک
 وظیفه مزدر ، و بوکا قدرز ! » انقلابک الک مهم
 روحی ، دویدیمز بوقدرت ، بواراده در ، اصل
 مدنیت ایشته بودر ، مدنی حیات دایما کنسیدمزدن
 خارجه طاشاجق ، طبیعتی رام ایله جک شدتلی
 بر اراده نیک اثریدر . یالکز شووقعه بیله کنجلریمزه
 فلسفی بردرس ویرمکه کافیدر : تورک جمعیتی
 تنظیماندنبری مملکتی اعمار ایتمک ، یوللرله قوشاتمق
 ارزوایله بوددی . غرب اثرلریله الفت ایده لیدنبری
 بومدنیت یولنده یورومک لزومنده کیسه نیک

شبهه سی یوفدی . شو حالده دوشونجه اعتباریله
 بر آلدانیش موجود دکلدی . بوکا رغماً اجنیلرک
 چوق آغیره مال اولان معاوتی اولمقسزین بوایشی
 باشارمق اقداری بورتورلو کنسیدمزد بولا میوردق ،
 مدنیت یولنده آتاجغمز آدیملری فلجه اوغراتان
 بو حیات ضعیفدرکه ییللرجه بوتون عمل و اراده
 قدرتلریمزی زنجیرله دی . فقط بویوک و متعاقب
 فلاکتلرده بزی سنه لرجه طبیعتله مجادله یه سوق
 ایله دی . بو مجادله عمله اویمایان فکر و اعتقادلری
 بر نوع اصطفا یه تابع طوتدی ، دیگر جهندن
 هر المی اقتحام ، هر مشکلی ازاله بزه انسانلق
 قدرتی ، اراده قوتی ده دیوردی . ظفر و انقلاب
 ایشته بو دو یغونک اثری ایدی ، بوکونکی
 آنقره - قیصری خطی ده ، یارین هر ساحه ده
 یابایله جکمز بویوک ظفرلرده ... یه اونک اثری
 اولاجقدر .

..

ای بر تصادفدرکه ارقاداشمز موسیو ماقس
 بونا فوسک قونفرانسری ده بالواسطه عینی نقطه یه
 تماس ایله بوددی . موسیو بونا فوسک ایلک



قادرین استغفرلی

تکامل و تحول قانونلری بوتون اسکی کوره نکلر. منری، اسکی اعتقادلریمنی دیکشدریور. دون بک طبیعی کوردیکز حادثه لر بوکون بک غیر طبیعی و غریب بر حاله کیرمشلردر. هر کلن نسل، عادتاً یتیشدیکي نسله هیچ برمنسوبیتی یوقش کی ممکن اولدوغی قادر ماضی یی انکار ایدیور، ماضی دن قورتوله یه جالبشور؛ عادتاً یکی اقلره، یکی هدفله قوشوبور. حتی مسئله، یالکز ماضیدن قورتولمق دکل، ایچنده یاشانیلان شو «حال» ده کی حیاتی بکنمه مک شکلنده تجلی ایتکده در و بز هرکون یکی بر عالم یاراتارق حیات وجعیتی کندمزه، و کندمنی بو دیکشن عالمه سوروکلوبوب کیتکده بز. بو عمومی جریانک معین قانونلری و معین شرائطی آریانلر یوق دکلدر. فقط روحک قانونلری، اولجه تخمین ایدیللمسی ممکن اولان محصور و محدود قانونلرله مقایسه ایتدیکمز ایچین، یاشامه مک معناسنی دائماً یکیشمک، دیکشمک، یایق و ییقق آکلایور و برنده صایان هیچ بر موجودک موجودیتنه اینانه بورز. بوسیدن درکه، هیچ بریشی «موازنه وی» شکلنده قبول ایدمه بز، حالا اسکی شکلنی محافظه ایدن جمعیتلر، فردلر و موجودلر، هنوز تفسخ ایتهمش بر قادر اورادن بشقه برشی دکلدرلر. خلاصه، حیات دیمک اشتیاق، حرکت و تجدد دیمکدر. و بر جمعیتک قیمتی، «قوانیتنک» شدت و درجه سیله متناسبدر.


شومطالعائی تأیید ایچین بک اوزاق برلردن مثال طولیلامه یه هیچ ده لزوم یوقدر: دون آنه لرمنک یوزی قابالی دی. و همشیره لرمنک چهره سنی کوره جکلر دیه قصانچ اوزون تورلر جکیوردق. بوکون اونلر، بزم اسکی غفلتمزه کوله جک قادر دیکشیدیلر. اسکی جمعیتلر ده بو حرکت و استحاله یوقدی طن ایدیللمیلدر: اونلر، «أولو دکز» لر کی دالغه لرینی صویک سطحنده دکل درینلکندن چالقایان بروصفه مالکیدیلر. خارج آدورغون کورونه سی ساخته یدی، قیصانچلغیمزک و متقلب اراده منک اسیری اولان او وقتکی جمعیت، هر شیتک قابالی اولماسنی آرزو ایدردی. بونک ایچین درکه قادینلری قابالی، ثواب و کنایه قابالی اشتیاق و مفکوره لری قابالیدی. اونلر هر هانکی بر آرزونک شیوعندن و کوللرده حبس ایدلش اولان مفکوره لره تحققدن قورقارلردی. اسکی جمعیتلر انسان روحنک ابدی تحسیرلینی، محرومیتلرینی، آه و واهنی، خسران واضطرابی تمثیل ایدن بر سیاه هیکلدی. بوکون ایه او هیکلک، بیاض اوموزلرینی اورتن ماعنی توللر قالدیریلشدر. قارشیمزده بوتون شعشه سیله، عریانلغیه، کوزلکنی کوردیکز بویکی عالم،

مجلد لری، حلککار وزرافشان یابانلری، جدول چکنلری و صاله جیلری آکلانمده در. بو آداملرک یایدق لری آیری آیری و بک ایجه صنعتلر درکه آنجا ق اسکی کتبخانه لر کزینجه مهارت لرینک ماهیت و درجه لری آکلایشیلاییلر. از جمله بعض کتاب جلدلرینک ایچنده انفس اوبالره تصادف ایدیلر که بوکون اربابی نزدنده (فخری اویماسی) نامیله مشهوردر. ایشته عالی اوندن بحث ایدمه رک دیور که «وروماندن بروسوی (فخری) که قطعه قطعنده لانتیر عالم و بانچه ترتیبده و شکوفه و ازهارک انواعی کسمکده صنایع بدایع شعاری هر برده مقبول و مسلم در» فخرینک صنعتی اویله بریدیه درکه اونک اثرلرینی سیر و تدقیق ایدنلر یالکز بر تعیر بولاییلر: خارقه!.. بوکون اسکی صنعتک بر جوق قسملری تقلید ایدیلاییلور، فقط فخری اویماسی اصلاً!...

عالی، اثرنک صوکنده مجلدلردن بحث ایدر و تورکلرک بوصفنده کوستر دکلی قابلیت و خصوصیتی آکلاناراق شوسوزلری سویلر: «اگرچه که مجلدان اعجامک طلاحنده و مقطعلر تربینده مهارت لریه سوز یوقدر. اما مجلدان رومک جدول و زنجیرکده و جلدک ظرافت و نزاکتنه متعلق محسنانده امتیاز و وقدرت لری آنلردن آرتوقدر. بوباده نزاع ایدنلرک سوزلری محضامکاره در. و بو وادیده مصاحبت ایله ینلرک کلام بی مألری عین معارضه و محاوره در».

«عالی» دن صوکر عینی موضوعه دائر کتاب یازانلر وار در. از جمله نفس زاده ابراهیم خلیل افندی (کلزار صواب) [*]، صو یولی زاده نجیب افندی (دوحة الکتاب)، مستقیم زاده سعدالدین افندی (تحفة الخطاطین) عنوانی اثرلر قلمه آلمشلردر که بونلرکده طبع و نشری تورک تاریخی و مدنی و علی الخصوص کنجکلک منسوب اولدینی ملتی جوق یاقیندن و دریندن طانیایلمه سی نامه بک لازمدر. (مناقب هنروران) ک طبعنه دلالت ایدن (تورک تاریخ انجمنی) ندن بونی ده تمنی و طالب ایتک حقمزدر. بوراده، بالوسيله انجمنه و عمود کمال بک افندی یه تکرار و تکرار تشکر ایدم.

علی جانب



[*] ویا (کلزار نواب)

روحلرمنک بو حقیقی سیاسی، بر آرزو قلماشدیرمقدمه و قلمیزه بر آرز فضلہ چارپنتی ویرمکده در. اساساً هر یکی شیده بو حال موجوددر. و هر کس یکیلکله تحمل قابلیتی عینی نسبتده دکلدر. بو سبیدن درکه بعضی حساس فیلولزوفر بیله عصرلرک بو تحولانندن متأثر اولشلر و بالخاصه قادینلره متعلق اولان خصوصیاتده عادتاً عقللرینه کلن هرشی سوبله مکدن نفسلرینی منع ایدمه مشلردر.

هیچ بر تجدد یوقدرکه، فیضی، یالکز بر ساحه یه، بر جنبه و بر طرفه شامل اولسون. خلقتک اک اوافق ذره لری بیله کندی عالمرنده ابدی حریت پیشنده درلر؛ ملکر و مخلوقاتک قازاندینی و قازانق ایچین جدال ایتدیکي حریت، ذوی الحیاتک یالکز سوق طبعیسنندن دکل عقلندن، اذعان و عرفانندن دوغان بر مفکوره اولدوغی ایچین درکه، هر سنه بر آرز داها شعورلو بر فورانله غایه سنه یاقلاشمقده در. جوجق لک، عمله مک، مساعینک، مؤسسانک و حکومتلرک حریتی نامه یاپیلان متجددانه سولتلردن، انسانیتک دیگر بر نصفی تشکیل ایدن قادینلر محروم قالامازدی. زیرا بو، تجددک قانوننه مخالفدی.

قادینلر، شمدی یه قادر حردکلیدیلر؟ غریبه و شرقدہ باشلایان قادین انقلابی، ارکلردن نه کی حق لری استرداد ایتک آرزوسنده در و ایستدکلری شیلر اونلرک حق میدر؟ بو مسئله لری حل ایتکله قادین استقلالنه عائد اولان بوتون مسائلی حل ایتش اولورز.

بک فضلہ تفرعانه کیرمکسزین قادینک ماضیده کی موقعی تعیین ایدمه ییلر؛ بو خصوص ایچین بر آرز فضلہ درینلره تا اساطیره قادر اینه لم: اوراده بشریتک و خلقتک تکمیل مقدرات و حرکاتنه حاکم تالی و عالی بابلی معبودلر آراسنده بیکلرجه معبودیه راست کلکده بز. بک معروفلرینی ذکر ایتدن هندالهلرینه بر کوز کزدیرم: «و هدا» مک قبول ایتدیکي الهلر آراسنده [سوز] ی تمثیل ایدن «Vāc» کورمه دن ایشته ن و آکلایان بر معبوده ایدی. «Apāc» سولرک «Ushas» شفقتک، «Paithivi» ارضک «Parasvati» نهرلرک مثل و معبوده سی ایدیلر. ماورامعبوده سی «Aditi» بولوطلی سمارک ناظم و خالق «Prerēni» ایمانک ابدی ناظمی «Gradd» و زهد و تقوا معبوده سی «Armanti» بوتون بو ربانی عالمک نفوذی و محشتم خالقلری میاننده درلر. هومه ره نظراً «زهوس» ک قیزی و آپوللونک همشیره سی (آرته میس)، «آلتون اوقی»، کورولتوی سه وهن، کیکلری پارالایان اوق آتان» بر معبوده یدی. قر معبوده سی «سه لانه» و عقل و فطانت الهه سی «Athéné» شفق معبوده سی «اورورا» زوسک قیزی معبوده «هارمونی»، معبوده و قهرمان «هه لانه»، «آفرودیت» اورفه... استارته... بزه، کلش یکمش دورلرده قادینک خالقانه

موقعی طاینتیایلهن لاهوتی لردر . آپولونک آنه سی « Tathou » کونش قزی و بوکدن مانتوسی اولان « ماریا » بونوعدن اولدوغی کی فینلاندا معبودلرندن Otava و Tahte ک قزلی ، کونش قیزی اولان هیولیلر ، آمازونلر . . . قادینه ماضی نك ویرممن اولدوغی بلند موقعی کوسه رن جانلی مثاللردر . ژوپترک مشوم حربلره اوغراشدینی زمانلرده دوغان « میترها » نای چالان بر قزدی . عفت الهه سی دیانانک اوکنده قوربانلر کیلردی . ایلك انسانلر بوتون مجردات و بشری احتیاصاتی قادینلره تمیل ایتدیلر : «نفاق» : قدر ، انتقام و اولوم معبوده لرینک همشیره سی دی . « ضرورت » ، سوس و تنبلک الهه سنک ، « تنبلک » ایسه ، اویقواله کیجه معبوده لرینک قزی عد اولوندی .

اسکیلرک بوتلقی سنه یکیلرک خیالاتی بشقه بر بکارت بخش ایتدی :

ولتر « هانیاد » نده « حد » ی جهنده یانان بر قادینه بکزه ندی . و « آنه ئید » مؤلفی ویرژیل ، « شهرت » ی ، اساطیره منسوب اوزون قانادلی ، قولاقسز و کوزلری قانادلرینک آلتنده صاقلی آئنده سورطونان بر بویوک قادین دیه توصیف ایتدی . . بشریتک بوتون شعرى ، نفیس صنعتلری ، بوتون بدیعی ، اشیاده و انسانی احتیاصلرده قادینی کوردی . قادینسز هیچ بر اثر ، انسانی واجتماعی بر قیمت قازانامادی . تسلیلر مزى ، قوتمزى وحتی ایمان و مفکوره مزى کندیلرینه مدیون اولدوغمز قادینلق ، روحلر مزده قازاندینی بومبجل نخته ، هیچ بر زمان بر روزنده اوطورامادی طن ایدیله سین ؛ نارغ بزه مشاهیر میاننده صاییلان و بشریتک مقدراتنه تحکم ایتش اولان بوزلرجه بویوک قادین اسمی ویرمکده در . بونلر اساطیرک مخیل معبوده لری کی وجودسز ذکا وخیله مزک ابداع ایتدیکی مخلوقلر دکلدن . بالذات کلشروبالفعل حکمران اولشلر و جمعیتک حیاتیله اویناشلردر .

مع مافیة انسان ، حضورنده ضعفی حس ایتدیکی هر قوت اوکنده عاصی ، حسود و دشمندر . بز قوتلیرلی قورقدیغمز ایچین سه ورز ؛ قادینه اولان رابطه مزده یالکز سوق طبعیلر مز دکل اونلرک قوتی حاکمدر . انسان سحرندن و تأثیرندن قورقدینی شیلری اولامعبود یامش و صوکر اوکا غلبه ایده بیلیمک امکائی بولدجه تذیل و تحقیر ایتشدن . قادینلری براز دها اسیر ایتک و بر آرز دهاا حریتلرندن محروم ایتک ایچین عصرلردن بری دوام ایدن خود بینجه استبداد بو محبتک بو قورقونک اثری در . زیرا قادین بر آرز قابا اولسه ده مشهور هولاندا ضرب مثلنک تصدیق ایتدیکی وجهله « صاحب لرینک بر نک تلیله ایکی قوتلی اوکوزک جکه بیله جکندن دهاا جوق شی سور وکلایه . بیلیرلر . »

بوقوتی بو عظمتی زمان زمان بر جوق متفکرلر حس ایتشلر و انسانیته قادین علیه ده پک جوق وصایاده بولونمشلردر : مثلاً بودا « قادینلر هوای نسی می مزک جیچک لری در . واونلری بر جیچکله بیله ایچمه ییکز » دیدیکی حالده نظرنده بو دنیانک اک

مظلم ، اک دولامباج واک اوجسز بوجانسز اولان شی قادین قلبی ایدی . قادین دنیوی قوتلرک اک بویوک واک مده شیدی . اولدیکی وقت یاننده هیچ بر قادینک بولونمه سنی ایسته مدی . فقط جنازه سنی ، کندیسنه اعتقاد ایدنه قادینلرک کوز یاشلری بیقادی . اک بویوک حواریلرندن « آناندا » ایله آراسنده برکون شویله بر محاوره جریان ایتدی : « یا حضرت ! بر قادین قارشیسنده نصل حرکت ایتلی بز ؟ - اونی کورمکدن اجتناب ایتمه لیسکز ای آناندا ! - اکر کورمک ضرورتنده قالیرسه ق نه یابالم ؟ - کندیسيله هیچ قونوشمه دن کچمه لی ! - یا اویزمله قونوشورسه نه یابالم ؟ - ای آناندا ! اویله بر فلا کته طوتولور . سه ک کندینی اینی محافظه ایت !

بویوک موازنه سزلردن [نیچه] ده بویله بر اعتقادده ایدی : بوذات بشرک سلامتتی کتله لرده دکل ، قوتلی فردلرده ، قدرتنک شعورینه مالک اولان شخصیتلرده کور و بوردی . بو اعتبارله ارککی قادینه فائق عد ایتدی . و قادینک خلاص و سربستی علیه ده پک جوق شیلر سوبلیدی . نیچه به نظرآ : قادین ضعیفدی و هر ضعیف کی خدمت ایتک اونک قدری دی . قادینلره مناسبتدار اولانلرک قیر باجلرینی اونون عاملرینی توصیه ایده جک قادار حسسزجه دوشونن نیچه ، قادینده ضعیفکله برابر ، ضعیفکله ک تولید ایده بیله جکی تکمیل فسالق لری کورمش و قادینلرک خلاصه دوغرو اولان حرکتلری ، عصرک تردیسنه بر علامت عدا ایتشدن . بوذات ، آلهک ، ارککی ، قوتی نسبتنده قادینه فائق بر عقل ایله تجهیز ایتدیکنه قانعدر .

بو نوع فکرلری بسبتون افراطه کوتورهن « شوپنهاور » ایسه ، قادین قارشیسنده پک منتقم و پک غدار کورونور : شوپنهاورده نظرآ ، « قادینک بوتون مقدراتی اذا وجفا تشکیل ایدر . قادین زوجنک جسور و مطیع براسیری ، جوجقلرینک مشفق و عاجز بر خدمتکار ایدر . قادین دائماً جوجق ینشد بریدیکی ایچین ، روحاده جوجقلاشمش در . دیشی قاریجه لرک الفاحدن صوکره کندیسنه لزومی قالمایان و حتی بومورطلامه ائناسنده ضرری دوقوناجق اولان قانادلرینی ترک ایتدیکی کی قادین ده بر قاق جوجقندن صوکره آرتق کندیسنه لزومی قالمایان تکمیل کوزه لکلرینی غیب ایدر . قادینک ضعیف ذکاسی ، بر نوع عقلی « قصر بصر » ه مبتلادر . یالکز قادین حدسی ، مضر حادثه لری وقتندن اول طانیه جق قادار قوتلی ایسه ده افق محدود اولدوغی ایچین ، بوندن استفاده ایده مز . بونک ایچین درکه ، ارککده پک فضله مؤثر اولان ماضی و استقبال ، قادین ایچین هیچدر . قادین ، ارککی پاره قازانق و کندیلری بوباره بییمک ایچین یار ایتلمشدر طن ایدر . قادین ضعیف اولدوغی ایچین اطرافنده بولونان هرشی قوتلی عد ایدر . شفقت و مرحمتنده بوضعفک تأثیری واردر .

بالانه و جلیه اولان قابلیتی ، ضعفنک مدافعه سته تقابل ایدن بر موازنه محصولی در . زیرا طبیعت هر مخلوقه کندیسنی مدافعه ایده جک برشی ویردیکی حالده قادینه هیچ برشی ویرمه مشدر . قادینلر بوضعفلری دولایسیله درکه ، احتیاصلرینه غلبه ایده مزلر . ارککلر تماماً بر برینه لاقید ایکن اونلرک یکانه دشمنلری بته کندی همجنس لری در . « شوپنهاورده نظرآ قادین ، عینی زمانده بدیعتندن ده محرومدر Inesthetique قیصه بوی و باجافلرله ، دار اوموزلری و کنیش قالجه لرله قادین ، خلقتک یالکز تولید ایچین یاراندینی بر عجبیه در . قادینلرده نه موسیقی و نه ده ذکا حسی واردر . خلاصه طبیعت انسانی ایکی مقوله یه ایرمشدر . ایکی مساوی قسه دکل ! جوق دفعه قادینلر شوپنهاورده « بنارس » ک مقدس مایمونلرینی خاطر لاتمشدر . بوجوانلر کندیلرینک مقدساتدن و حرماندن اولدوقلرینی بیلدیکلری ایچین کندیلرینی هر شیئی یاقعده مختار عد ایتشلردر . شوپنهاور دیرکه : طبیعت قادینه رجلی بر عقل ویرمه مشدرکه ، ارکک ایشلرینه قارشیسینلر ؛ والحاصل قادین خلقة اطاعته مأموردر . اونلر کنج ایکن بر عاشقه و اختیارکن اعتراف دیکلرین بر راهبه محتاجدرلر .

شوپنهاورک قادینلردن نه کوتولک کوردیکی ونه ایچین قادین دشمنی اولدیغی یازاجق دکلز . یالکز بونوع فکرلر تماماً مرضی بر بدین لکک محصولی در . بونوعدن افسانه لر یازان ذوات پک ده نادر دکلدن . « ژان ژاق روسو » ، قادینلر هیچ بر نفیس صناعتی سه و مزلر و هیچ بر دهایه مالک دکلدنلر دیدیکی کی ، « ولتر » ده عاشقسز بر کنج قزک و مدیر مز و صیسز بر اختیار زاهده نک موجود اولادیغنه قانعدر . « برنجی ناپولیون » قادینده هیچ بر موقع اجتماعی کورمه مش ؛ و شامفور Chamfort « قادینلر بزم ضعیف و ضعیتمزدن استفاده ایچین وجود بولشلردر . عقلزدن دکل . ارکک وقادین آراسنده روح ، قلب و سجه تجاذبی آزدر ؛ اک فضله سی جلدی تجاذب در » دیبور . ۳۵۰ سنه اول نشر ایدیش اولان هوآر Huard بر اثرنده ، قادینلرده تکمیل علوی استعدادلرک مفقودیتنده اصرار ایتش و برایکی مستثنایه ده قیمت ویرمه مشدر . قادینلرک شمدی به قادار ابدیه مظهر اولمش تک بر اثر برافه ملرینی عجز و قابلیتسز لکلرینه عطف ایدن بوزلرجه محافظه کار قادین دشمنی ، بونانلرک و قتیله قادینلری تیاترولره قبول ایتدیکلرینی ستایشله یاد ایتشلردر . دینده بیله آدمله حوا حکایه سندن باشلایان بو علیه دارلقی نهایت بعضی روحیاتی لرک و شاعرلرک ده قریحه سنده برطوتدی . مثلاً آلفرد دووینی کی عقلی باشنده اولان بر شاعرک شوپارجه لرینه باقیکز :

Une lutte éternelle en tout temps, en tout lieu, Se livre sur la terre, en presence de Dieu, Entre la bonté d'Homme et la ruse de la Femme

Car la femme est un être impur de Corps et d'âme.

Toujours ce Compagnon dont le cœur n'est pas sur, La Femme, enfant malade et douze fois impur!

بونکه برابر « سقراط » حبسخانه سنده کنديسه وداعه کلن « قسانتپ Xantipp » دن صوك دفعه طابديني برقاديني دعوت ايمه سنی رجا ايتش وشوینهاورک تأمیننه نظراً جرمنلرمهم مسئله لرك مذاکره سی ایچین قادین مجلسلرینه ده مراجعت ایتشلردر. زیرا بونلر قادینلرک حادثاتی ادراک طرز لرینی بزمکندن بشقه تلقی ایدیور، اونلرک اک کسدرمه یولدن شائیتی قاورایه بیله جکته ذاهب اولوبورلردی .

قادینلرک له وعلینده بولونانلری اوزون اوزادی به تفصیلک فائده سی یوقدر . فقط قادینلرک لهنه چیقاجق اولان اک شائی حادثه لری تدقیق ایتک داهادوغرودر. زیرا علیهدارلر غریب بر « غلط حسس » مبتلادرلر. اونلرک اک جوق ادعا ایتدکلری شی : قادینلرک مادی معنوی ضعیفی، چیرکینلکی، ووظیفه لرینک طبیعت طرفندن بک فضلہ تحدید ایدیلدیکی نقطه لرینده طولانیه بیلیر . قادین ماده و معنای ضعیف میدر ؟ بوتی تکمیل حادثات تکذیب ایتکده در . ماده ضعیف اولان قادینه برده عضوی اضطرابلر انضمام ایدنجه بونلرک حیاتی ارکک حیانه نظراً بک دون اولقی اقتضا ایدر ؛ حالبوکه : آلمانیا ده ۱۸۸۲ ده یاپیلان بر ایستاتستیکه نظراً : طقسان یاشنه بتمشش اولان (۲۰۸۱) ارکک و (۳۵۶۷) قادین واردر (۹۰ - ۱۰۰) یاشنه کلنلر میاننده (۳۰۹) ارکک و (۶۴۱) قادین صایلمشدر . یوز یاشندن فضلہ اولانلرک ایسه (۷۲) سی ارکک (۲۶۰) ی قادیندر .

۱۸۸۳ ده لوندره ده یاپیلان بر ایستاتستیکه ده شونتیجه بی ویرمکده در : یوز یاشنی کچمش اولان (۸۹) آدمندن (۱۰) ی ارکک (۷۹) ی قادیندر . ۱۸۷۶ ده فرانسه ده یاپیلان بر ایستاتستیکه سکسان یاشنی کچنلر آراسنده ۲۵۵ ارکک و (۴۹۳) قادین واردر . ۱۸۸۶ ده ایسه سکسانی کچنلردن (۱۴۱۹) کشتی آراسنده (۹۷۷) سنی قادین تشکیل ایدیور .

شورقلر بزی ، قادینه (جنس ضعیف) دکل بالعکس (جنس قوی) دیمک مجبوریتنده بر اقامی ؟ یالکز کنندی عضوی افتلرله دکل، عینی زمانده جمعیت و عائله نك تکمیل اکدار و اضطرابله ده متحس اولدوقلرینه نظراً قادینک شو طول عمری ارککله نظراً بش مثلی فضلہ صایلیر . ووقادار یاشله اولمش اولانلرک بونادیقلرینی ده طن ایتهمیلدر . بونلرک آرا سنده (۱۱۷) یاشنده اولهن (مادام آرمسترونغ) صوك کونه قادار کوزلکسر یاشامش و دکنسز کزمشدر . (مادام آن نهو) اسمنده بر دیکری (۷۰) یاشنده یاپیدینی بردور عالم سیاحتک خاطر ه سنی جانلاندیرمق ایچین (۹۰) یاشنده یوله چیقمش و ۱۰۸ یاشنده سالم بر ذکا ایله اولمشدر . فیلادلفیا اختیارلر (آزیل) نده

یوز یاشنی تجاوز ایده نلر ارککدن زیاده قادیندر . واک یوکسی ۱۳۶ یاشنه کلش بر قادیندرک عقلی ده یاشنده در .

ذاتاً حیوانات سلسله سنده اک بیرجی، اک قوتلی واک جرشتکار اولانلر دیشیلر دیکلمیدر ؟ یووالرک انشاسنده، یاورولرک تغدی و انکشافنده حیاتک یکانه ناظمی دیشیلردر. اجتماعیات بیله بزه پدرشاهی و پدری عائله لردن داهای اول مادر شاهی عائله انموذجلری کوسترمکده در. طبیعتده قادینلرک ضعیف اولدوغنه دلالت ایدهن هیچ براماره یوقدر. اولقی بعضی ارککلرک قیصقانیچینی و برآزده ماضی پرستلکندن دوغمشدر.

ذکائی ضعف لرینی نصل ادما ایده بینیرزکه : اک فضلہ قادین علیهداری اولانلر بیله قادینی حیله ویا لانله اتهام ایتشلردر . (پهرزانه) نك صوك تدقیقانه نظراً معین مقصدلر ایچین یاپیلان اخلاقک حدودینی کچمه یین شعورلو حیله ویا لان ، روحی مرحله نك اک متکامل واک یوکسک صفحه سنده عائددر . حالبوکه ، قادینک حیله ویا لانی ارکک حیله ویا لانیه هیچ کیمه مقایسه ایتهمشدر. اگر قادین حیله جی، ویا لانجی ایسه اونلرک ذکایه و بزم یالان وحیله آلتنده آلدانان بر صفوته مالکیتمز نتیجه سی چیقمازمی ؟ حیاتک بالخاصه مجادله شکلنده هانکی صفحه سی واردرکه : اوراده ملنلرک یالان وحیله فائقیلری، ظفری موجب اولماسین ؟ . بونکه برابر ، قادین مجبور اولمادجه، هیچ بر فردکی بو نقیصه عد ایدیلن ذکا او یونلرینه مراجعت ایتمز. بناء علیه بوقسمی بر طرفه بر اقرساق اورته ده قادین اثرینی کورمک لازم کلیور: عصرلردنبری اعمال ایدیلش اولان قادین تربیه و تحصیل نهایت شو صوك الی آلتش سنده دن بری بر انکشافه مظهر اولمشدر . فرانسه ده بر تموز مونارشیزی قادین تحصیلنه برآز فضلہ اهمیت و برهن (قامیل سهی ، پول برت ، بروقا) کچی بر قاج ذاتک مجلس مبعوثانده کی بیتمز توکنمز مجادله لری نتیجه سنده ، فرانسه قادینلنی اورته تحصیل حقنی اکتساب ایتدی . ۱۸۹۴ ده معارف ناظری (اسپوللر) ، قیز لیسهلرینک کشاد هراسمنده ، قادینلرک هیچ بر وقت ارککلرله مساوی بر قیمت و قابلیت مالک اولمادقلرینی اک کور سسیله اعلان ایدرکن ۱۹۲۴ ده ناظر (له تون بهرار) قادین سوبه سنی ارکک سوبه سنده معادل کورمش و قادین تحصیلنی ارکک تحصیلک عینی پروگراملرله تجویز ایتمشدر . فرانسه ده قادینلرک احتیاجلرینی یوکسک شخصیتلرله آفره درامبو وارنست لاویس ۱۸۹۷ ده ده هایقیرمشلردر . بو اعتبارله قادینلندن فوق العاده اولارق نه بکله نه بیلیر ؟ بونکه برابر سیاسی قادینلری بر طرفه بر اقره رق زمانلرینک شاعرلردن بک دون بر سوبه ده اولمایان (فطنت ، لیل ، مهریه ، زینب ... الخ) خانلرله اسکی فرانسر جمعیتشک یتیشدیردیکی قادینلری صایامازمی یز؟ فی الحقیقه (مادام دوسوینیه) ایتالیان ، اسپانیول ولاتین لسانلرینی بیلیر، ورژین وناسیتی اصل متلرندن اوقوردی . (مادام متهنون) زوجی شاعر (اسقاررون) دن داهای دون سوبه ده دکلدی. بر راهبه اولان (مادام

روشه شوار) بوتون افلاطونک اثرلرینی اصللرندن ترجمه ایتدی . مادام ژورژسان ، مادام آفرمان و مادام کوری کچی شاعر و عاللمری بویکونه علاوه ایتک لازمدر. بوکون فرانسه دارالفنونلرینک بر جوق مهم کرسیلرنده قادینلرک معاوتی کورولمکده در .

(La ligue Francaise de l'enseignement) هرسته یاپیدینی اثرمسابقه لرینده هیئت ممیزه نك اوچده برینی وقازانانلرک بشده برینی قادینلر تشکیل ایتکده در . کچن سنه (فرانسه نك دماغی) دنیلن پارس یوکسک معلم مکتبنه بر کنج قیز ایکتنجیلکله داخل اولایلدی . بشقه ملنلرک بویوک قادینلری بو خصوصده یاپیلاجق بر ایستاتستیکه جدایوکسه لته جک برماهیتده در.

دین ساحه سنده ایسه عیساقادارده مریم مقدسدر. عزیزه لر ، صالحه لردن مرکب اولان اولیا قافله سی بکده استصغار اولوناجق قادار آز دکلدر . حیاتک هر هانکی بر صحنه سنده باقارسه ق، قادین یالکز بشریتک بر نصنی اولقله قالماز ، مدنیت و مساعی مزکده محراقنی تشکیل ایدر . قادین بوتون بشری فعالیتلرک ناظمی کچی در. قادین بانکرلر ، قادین تجارلر، صریلر، محررلر آرزمانده باشلایان قادین انتباهنک شایان دقت فیضلری در. قادینلرک کوزلاک وچیرکینلکیله مشغول اولانلر بو خصوصده برآزده اهانازک حرکت ایتک ضرورتنده درلر. بوتی آکلایا بیلیمک ایچین موزه لری و بدییی مخلداتی تدقیق ایتک کافی در. اساساً کوزلاک وچیرکینلک کچی آرزجوق اعتباری اولان شیلر، قادین حقنی و مفکوره سنی اخلاص ایده بیله جک قادار اهمیتی حائز دکلدر .

قادینک ذکا و قیمت برده فیزیولوژی نقطه نظرندن تدقیق ایتک موافق اولاجقدر. معلومدرکه : انسانک ذکا درجه سی دماغنک معضلیت و مکملیتیله یعنی ثقلت و جسامتیله علاقه داردر . بو خصوصده بالخاصه مشغول اولان فیزیولوژیستلر بزه شونتیجه بی ویرمشلردر: انسان جنسینده اوتهدن بری قادین ثقلت دماغیه سنک ارکک ثقلت دماغیه سندن دون اولدوغنی معلومدر . (۲۰ ایله ۴۰) یاش آراسنده بولونانلرده پروفور لاپیفک (سوربون عمومی فزیولوژی مدرسی) بولدوغنی وسطی ارکک ده (۱۳۶۰) غرام وقادینده (۱۲۲۰) غرامدر. بونوع حساباتله اوغراشمش اولانلردن، (توپینار ، وینه رو، ره نسیوس، مارشان) کچی ذوات آرزجوق عینی نتیجه یه واصل اولمشلردر . فقط بو ثقللر بدن ثقلنی حساب ایدیلهدن بولومش اولان نتیجه لردر. بو اعتبارله عادلانه بر حساب یایقی ایچین قادین وارکک بدن ثقللرینک و سطیسنی ده بولق ایجاب ایدر . (قروز ، کتهله ، هاسینغ قولین) نام ذواتک فزیولوژیک حساب و تدقیقاتی ارککلرک ثقلتی (۶۶) وقادینک (۵۴) کیلو اولدوغنی تثبیت ایتمشدر . بناء علیه ثقلت بدن نسبتنه نظراً ثقلت دماغ و سطیلرینی بولق لازم کلیرسه شونتیجه الده ایدیلیر :

۲،۷۲ ارکک ایچین

۲،۷۴ قادین ایچین

بو حساب آرزجوق بر مساواتی افاده ایتکده در.

لاپیک بومساواتک کیتدکجه قبول ایدیلکده اولدوغنی (۱۹۰۷) ده نشر ایتدیکی بو خطرله یه هنوز هیچ کیمه نك

اعتراض ایتدیکتی و حتی (اوژنه دوپوا) نکه ده بو حقیقی
تأکید ایتدیکتی در میان ایدیور . لایکه نظرأ بو
جزئی فرقاً اجتماعی هیچ بر قیمتی یوقدر . زیرا
عملی حیات ساحه سنده قادیك ارکک ابله اولان رقابتی پک
یکی باشلادی حالده هنوز قادینی مغلوب ایتمه مشدر .

..

جمعیترک هر هانکی بر زمهره و طبقه سنده عائد اولان
تکمیل حرکتلر مفکوره لر دائماً حسی و فکری ایکی
صفحه دن کچره . خارجی هیچ بر تضییق و تلقین
اولادن فردک انکشاف و تکامل ایچین دویدوغی
شعور سز و انسیاقی تمایللر بو حسی صفحه سنده عائددر .
بو حرکت ایتمه دن کنیدیسی حس ایتدیرن سیله
طوتولقی ایچین ، بو سیلک ایچنده بولونعق ، و بوسیلک
استیلا سنده اوغرایان طبقه و صنفه منسوب اولقی
کافی در . فردلر و جمعیترلی یاشانان بو حس در .
و جمعیترلی یکدیگرینه ربط ایدن بو حس غیب اولدجه
زمهره لر انحلال ایدر . بو حسی صفحه ده متعال هیچ بر
مفکوره موجود دکدر . زیرا بو بر خیال اولقدن
زیاده حقیقتدر . تدریس و تلقین اولوناماز .

فکری صفحه یه کانه : بونده آلاستیق و معضل
بر مفکوره دویغوسی واردر . « بونی ، مؤسه لرده
قانونلرده دینی و ملکی اوامر و قوانینده فیلسوف
واخلاقیلرک اثرلرنده کورورز » بونده حاکم اولان
محاکمه در . هر هانکی بر تجدد و انقلابک حصولی تجدد
فکرندن زیاده حسنک حاکمیتله ممکندر . بونلر
حسرمزه خطاب ایدن صناعات اثرلری کی تکمیل بشری
طایفه پک چابوق انتشار و سرایت ایدر . محاکمه لر مزایسه
فکر اثرلری کی ، بو سرایت ایدن جریانی تثبیت
و انجماد ایتدیررلر .

قادیلرده باشلادقلری بو انقلابده عینی معینته
تابع اولورلر . اولنر عصرلردن بری حقلرینک استردادای
لازم کلدیکتی حس ایدیور و بوکالورلردی .

بو حرکتلری یالکز جمعیترک تکامل قانونی سله
مه مشدر . هر انقلابده قادینه دوشن حصه پک جزئی
ایدی . عزت نفسلری قادار یوکسک ذکاوت زاهدلرینه
انضمام ایدن ممتاز قابلیتلی ، بو حصه یی آرتمی و حتی
تقسیم اتمک ایچین نهایت اولنلری انقلابه مجبور ایتدی .
اجتماعی اغتشاشلری تعقیب ایدن اخلاق و فکری
اغتشاشلر ، قادیلنلک صوک آرزولرینی ترکیب
و تحلیلده جوق بویوک بر عامل اولدی . بوايشده
کوستردیکلری اک بویوک درایت مفکوره لرینک کنیدی
کنیدینه تحصیل ایتمه به جکنه و بوايش ایچین حمله لره ،
مجادله لره احتیاج بولوندیغه ایتانه لریدر . مفکوره لری
اوقادار بویوکدی که ، یالکز کنیدی غیرتلی یتمه بورمش کی
ارککلری ده کنیدی غایه لرینه خدمت ایتدیردیلر . زیرا

حاکم واسطه لرینی استقبالك مفکوره سی خلق ایدر .
بو مفکوره نه قادار قوتلی اولورسه واسطه لرک صلاحتی ده
اونستنده آرتار . قادیلنلک مفکوره سنک انکشافی ،
بو مفکوره نکه دوام و کثافتته و قادیلنلک بو خصوصده کی
قابلیت و قدرته تابعدر . هر ایشده اولدوغی کی بویله
معظم ایشلرده ده اراده و ذکاتک امتزاجی لازمدر .
قادیلنلک ایتدیکتی شی ایتسه سنه لر دن بری بکلدیکی
تمیز و جوال بر حیات در . افعال و اعماللرک قیمتی الهام
ایتدکلری ایمانلرله مشروطدر . قادیلر ایتسه بو ایمانی
چوقدن غمه مشلردر و غایه لری اثباته محتاج اولان بر
دعوا دکل ، یالکز اظهار ایدیلسی ایجاب ایدن بر
حقیقتدر . و بو وضعیت کتم ایدیلمه به جک قادار شیوع
بولددر .

..

قادینک اوزله دیکی حیات فصل بر حیاتدر ؟
طبیعتک کنیدیلرینی توطیف ایتدیکی مجبوریتلردن هیچ
بر قادین توق ایده جک قادار منطقسز دوشونه مشدر .
بارسده کچن سنه اجتماع ایدن بین الملل قادیلر جمعیتمک
فرانسز مئثله سندن ، حیاطمه ایتدیکم اک بلیغ واک
مؤثر نطقلردن جوق یوکسک و مهیج بر خطابه
دیگلمه مشدم . بو قادین « بزار ککلردن و طبیعتدن فضله
برشی بکلمه یورز . طبیعتک بزدن نملر ایتدیکتی
بیلور و اینانیورز . بونکله برابر بزیالکز چوققلر مزک
انته سی اولقله اکتفا ایتمه به جکزه . فقط نارین الارمزده
بشریتک مقدارتی چه ویرمک ایتسه دیکمزده ظن
ایدیله سین .. بزم بوتون ایتدیکمز بر یوزنده بشریتک
یاریسنی تشکیل ایدن مدنیت و جمعیتهه پایانسز بر
اشتراکه و حقه مالک اولان بر قادیلنلک موجودیتی
تصدیق ایتدیرمکدر . بزر وارز ، وار اولاجقز ..
یووالرمزده صلح و سعادت تأمین ایدن موجودیتز
جمیتک بوتون دیگر سعادتلرینی تأمینده ده عینی
موقیبتی کوسته ره جکدر . بر عائله دیمک بر جمیعت دیمکدر .
وارکک حیاته اشتراک خصوصتد کی آرزولرمزده ،
بر آرزده ارککلرمزده قارشلی حس ایتدیکمز رحم
و شفقتی قبول ایتمز بسکز ؟ » دیوردی .

آوروپا قادیلری مقصدلرینک پک جوغنه مجادله سز
واصل اولشلردر . بولونقلری حیات طریقه انطباق
ایده بیلیمک ایچین ضروری اولارق آتیلدقلری بو
بوللردن پکده مغلوب جیقما دیلر . وسنه لر دن بری
ضموره اوغرامش اولان قابلیتلرینی یاواش یاواش
و فقط هیچ دورمادن انکشاف ایتدیردیلر ، شیمیدی به
قادار اقتصادی حیاته مهم روللر ایفا ایدن قادیلنلک
صوک زمانلرده عسکرلکه قادار آلی اوزاندی . و بعض
مملکتلرده مبعوث و ناظر اولاجق قادار فکری سوبه لرینک
ایجاب ایتدیردیکی مقاماته ارتقا ایتدیلر . قادیلر

بو موقیبتلرینی ، ارککلرک مشاعره و معاونتدن زیاده
کنیدی غیرتلی نه مدیوندرلر . اولنر یووالرمزده چوققلرینی
کنیدی غایه لرینه خدمت ایده جک بر صورتده تشدد بر دیلر .
وارکک جمعیترلینه و هر درلو مقاماته ، عینی حقله
کیره سیله جکارینی اثبات ایدن بر جرأت و متانتله
صوقولدیلر . شاعر « شه لیک » ک دیدیکی کی : « انسانلر
اسکی مؤسه لرینی ، خرافه لرینی نه قادار اونوتما بیلرلر
عالمده سیات و مساوی اوقادار چابوق غیب اولور .
وایده آل بر انسانیتک تحقنه شاهد اولورزه قادیلرک
ایلک یاپدیقلری و یایعه به چالشدقلری شی بودر :

ماضی صحیفه لرینی بوتون عنعنه سیله افسانه سیله
قایماق . حالوله قادین دونده حاکم ایدی . قلیرمزک
حسرمزک ، احتراصلریمزک حاکمی اولان قادین ،
آرتیق ارککی بر واسطه اولارق استخدام اتمک
ایسته مه یور و بو صورتله قادین یالکز کنیدی موقی
آلمش اولقله اکتفا ایتمه یور ، ارککلره ده کنیدی لایق
اولدوقلری قیمتی و موقی ویریور .

فقط قادیلرله ، دیندار اولدوقلری ایچین انتخاب
حقلرینی پاپاسلره و بریر نوعندن پاییلان قلاسیک
اعتراضلرک بویکون هیچ بر قیمتی قالممشدر . قادین علیه
در میان ایدیلن فکرلر عمومیتله ارکک طرفندن قادینک
کورونوشی طرزندن دوغمه در . مانش دکیزی یوزره رک
کچن بر قادینک عضله سنده کی قوت ، یارین عینی عظمتده
بر ذکا قوتی ده حصوله کتیره بیلر . اساساً حیاتک
کیتدکجه معضالشه سی قادیندن ایسترایسته من استفاده
ایتمه منری مجبوری قیلاجقدر . همشیره لرینی و زوجه لرینی
خطابه لایق بر سوبه ده کورمک ایتسینلر ایسترایسته من
یارین قیزلرینی عصرک ایتدیکتی منریتلره تهجیز ایده .
جکلردر . و هیچ اونوتما ملیدر که ، قادیلر ، ارککلردن
داها جوق چابوق عنعنه لری بیقابیلر ، داها چابوق
تقلید ایدر ، و یکیلکلره ارککلردن فضله میال
و خواهشکر درلر . فداکارلری حسلری ، بزدن جوق
یوکسک ، تحمللری بزم تحملزه هر جهتن فائق ؛
انتظام ، انضباط آسایش و صلح و صلاح ایچین
قلبلرینک رقت و نزاکتی کافی بر قوتدر .

مع مافیة ، هرشی نه اولق استعدادنده ایتسه
او اولق اضطرابنده در . الیور که استعدادلرک اوکنده
ناظم و مدرک قوتلر انکل اولاسینلر ..
دینی و دنیوی تکمیل مواعید ایچنده حیاتمزک
یکانه مکافاتی تشکیل ایدن قادینی کنیدی انکشافه
ترک ایتمک ، غایه لرینک تحقنده کافی بر یاردم اولاجقدر .
قادین تکاملنه انکل اولق ، جمیعتی ضموره و عقامته
اوغرامق دیمکدر .

صیل سنا